

本國學基
叢書
漢書補注
(七)

王先謙補注

本國
學基
叢書

漢書補注
(七)

商務印書館

公孫劉田王楊蔡陳鄭傳第三十六

漢書六十六

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級臣王先謙補注

公孫賀字子叔北地義渠人也賀祖父昆邪

師古曰昆音戶門反補注錢大昭曰攷功臣表賀是昆邪之子祖字衍

景帝時爲隴西守呂將軍

擊吳楚有功封平曲侯著書十餘篇

師古曰藝文志陰陽家有公孫渾邪十五篇是也

賀少爲騎士

補注周壽昌曰昆邪以罪免故賀未嗣侯

從軍數有

功自武帝爲太子時賀爲舍人及武帝卽位遷至太僕賀夫人君孺衛皇后姊也賀由是有寵元光中

爲輕車將軍軍馬邑後四歲出雲中後五歲呂車騎將軍從大將軍青出有功封南郊侯

臣瓚曰茂陵中書云封南郊侯

表亦作爺師古曰爺爺二字同耳音普教反補注先謙曰官本注云作賀侯上爺字作爺

後再召左將軍出定襄無功坐酎金失侯復召浮沮將軍出五

原二千餘里無功

師古曰沮音子閭反

後八歲遂代石慶爲丞相封葛繹侯

補注周壽昌曰武帝太初二年

時朝廷多事督責大

臣。師古曰。嘗謂察視也。自公孫弘後。丞相李蔡。嚴青翟。趙周三人。比坐事死。師古曰。比類也。石慶雖曰謹得終。然數被譴。

初。賀引拜爲丞相。不受印綬。頓首涕泣曰。臣本邊鄙。冒驍馬騎射爲官。材誠不任宰相。上與左右見賀。

悲。哀感動下泣曰。扶起丞相。賀不肯起。上迺起去。賀不得已拜出。左右問其故。賀曰。主上賢明。臣不足。

目稱。恐負重責。從是殆矣。師古曰。殆危也。賀子敬聲。代賀爲太僕。父子並居公卿位。敬聲曰。皇后姊子。驕奢不。

奉法。征和中。擅用北軍錢千九百萬。發覺。下獄。是時。詔捕陽陵朱安世。不能得。上求之急。賀自請逐捕。

安世。目贖敬聲罪。上許之。後果得安世。安世者。京師大俠也。〔補注〕周壽昌曰。游俠傳獨不敘朱安世。以其造巫蠱之亂。貽誤國家。不足稱俠也。聞賀欲。

目贖子。〔補注〕先謙曰。官本字下有罪字是。笑曰。丞相禍及宗矣。南山之竹。不足受我辭。斜谷之木。不足爲我械。師古曰。斜谷名也。其中多

水械。謂桎梏也。言我方欲告丞相事。獄辭且多械繫方久。故云然也。斜。音弋。奢反。安世遂從獄中上書。告敬聲與陽石公主私通。師古曰。武帝女。及使人巫祭。

祠詛上。且上甘泉。當馳道埋偶人。師古曰。甘泉宮在北山。故欲往。皆言上也。刻木爲人。象人之形。謂之偶人。偶並也。對也。〔補注〕劉邵曰。使人巫多人字。祝詛有惡言。下有司。

案驗賀窮治所犯遂父子死獄中家族巫蠱之禍起自朱安世成於江充遂及公主皇后太子皆敗語

在江充戾園傳

師古曰武五子傳敘戾太子諱戾而置園邑故云戾園也〔補注〕錢大昕曰外戚王夫人傳云語在戾太子傳劉風驚傳云語在太子傳〔上文有戾字故但稱太子〕而此與江充傳俱稱戾園亦例之不一也

劉屈氂武帝庶兄中山靖王子也

師古曰屈音丘勿反又音其勿反〔補注〕周壽昌曰此宗室爲相之始

不知其始所引進征和二年春制詔

御史故丞相賀倚舊故據高執而爲邪

師古曰帝爲太子賀已爲舍人故云舊故〔補注〕先謙曰官本據作乘

與美田引利子弟賓客不顧元元

無益邊穀

如淳曰戍邊卒糧乏不能爲方計日益之也

貨賂上流

師古曰丞相貪冒受賂于下故使衆庶貨賄上流執事者也

朕忍之久矣終不自革

師古曰革改也

迺

邊爲援

如淳曰使內郡自作車耕者自轉所引饒邊饒邊所引行恩施爲己名援也或曰引胡爲援也〔補注〕先謙曰用邊郡吏自援助蓋受其貨賂而行此不公平之政也饒邊以爲名其過尙小未至死罪若以胡爲援又豈得稱胡爲邊乎

使

內郡自省作車

服虔曰詐令內郡自省作車轉輸也邊也無事之時宜自治作車引給軍用師古曰令郡自省減諸餘功用而作車也省音所領反

又令耕者自轉

文穎曰自輪穀於邊〔注補〕先謙曰官本

注在

引困農煩擾畜者

〔補注〕先謙曰畜者謂養馬之民

重馬傷耗武備衰減

師古曰重謂懷孕者也言轉運之勞畜產疲困故反使懷孕者爲之傷耗引減武備也耗音呼到反〔補

注〕先謙曰官本注無反字引宋祁曰故字下景本有反字

下吏妄賦百姓流亡又詐爲詔書引姦傳朱安世

師古曰傳逮捕也

獄已正於理

〔補注〕

劉敞曰獄合屬上
旬先謙曰理法官

其呂涿郡太守屈鼂爲左丞相分丞相長史爲兩府呂待天下遠方之選

師古曰待得賢人當拜爲右丞

相〔補注〕宋祁曰長史下當添使字李慈銘曰此武帝有意欲復惠帝高后時兩府之舊而本紀及表敘俱未載

夫親親任賢周唐之道也呂澎戶二千二百封左丞相爲

澎侯

服虔曰澎音彭晉灼曰東海縣〔補注〕齊召南曰案地理東海郡無澎縣先謙曰澎卽彭也說詳表

其秋戾太子爲江充所譖殺充發兵入丞相府屈鼂挺身

逃亡其印綬

師古曰挺引也獨引身而逃難故失印綬也

是時上避暑在甘泉宮丞相長史乘疾置呂聞

師古曰置謂所置驛也

上問丞相

何爲對曰丞相祕之未敢發兵上怒曰事籍籍如此何謂祕也

師古曰籍籍猶紛紛也〔補注〕錢大昭曰景十三王傳云國中口語籍籍慎無復至江都皆言諠聒

之意先謙曰本書籍藉通假

丞相無周公之風矣周公不誅管蔡乎乃賜丞相璽書曰捕斬反者自有賞罰呂牛車爲

櫓

師古曰櫓櫓也遠與敵戰故自車爲櫓用自蔽也一說櫓望敵之樓也

毋接短兵多殺傷士衆

師古曰用短兵則士衆多死傷

堅閉城門毋令反者得出太子

既誅充發兵宣言帝在甘泉病困疑有變姦臣欲作亂上於是從甘泉來幸城西建章宮詔發三輔近

縣兵部中二千石呂下丞相兼將太子亦遣使者擣制

師古曰擣與矯同其字從手擣制託稱詔命也

赦長安中都官囚徒

師古曰京

師諸官府

發武庫兵命少傅石德及賓客張光等分將使長安囚如侯持節發長水及宣曲胡騎

師古曰長水校名宣曲宮

也並胡騎所屯今鄂縣東長水鄉即舊營校之地補注宋祁曰持節發下別本有兵字先謙曰發字下屬爲一句別本誤長水宜曲胡騎皆長人校尉所掌見百官表營近長水故以爲名

皆呂裝會侍郎莽通使長安

補注劉攽曰以當作已先謙曰官本攷證云莽通武紀作馬通本姓馬也後漢明德皇后惡其先人有反者易其姓爲莽見孟康注

因追捕如侯告胡人曰節有詐勿聽也遂斬如

侯引騎入長安又發緝濯士呂予大鴻臚商丘成

師古曰緝濯士主用輯及濯行船者也短曰輯長曰濯輯音集字本從木其音同耳濯字本亦作權並音直孝反

初漢

節純赤呂太子持赤節故更爲黃旄加上呂相別太子召監北軍使者任安發北軍兵安受節已閉軍

門不肯應太子

補注先謙曰稽補史記任安傳安爲北軍使者護軍太子立車北軍南門外召安與節令發兵安拜受節入閉門不出

太子引兵去毆四市人

師古曰毆與驅同補注先謙曰通

鑑胡注廟記曰長安市有九各方二百六十五步六市在道西三市在道東凡四里爲一市此言四市蓋以東西南北分爲市也一說四市者東市西市直市柳市先謙案此時倉卒烏集何能定爲某市之人四市人猶言諸市人耳四者廣博之詞胡說失之泥矣

凡數萬衆至長樂西闕下

補注先謙曰官本闕作闕

逢丞相軍合戰五日死者數萬人血流入溝中

師古曰溝街衢之旁通水者也補注

注先謙曰官本注無也字

丞相附兵浸多

師古曰浸漸也

太子軍敗南犇覆盎城門得出

師古曰長安城南出東頭第一門曰覆盎城門一號杜門補注先謙曰胡注黃圖長樂

宮在東直杜門。故太子戰敗長樂闕下。南奔覆盎城門而出亡也。

會夜。司直田仁部閉城門。坐令太子得出。丞相欲斬仁。御史大夫暴勝之。謂

丞相曰。司直吏二千石。當先請。柰何擅斬之。丞相釋仁。

師古曰。釋放也。

上聞而大怒。下吏責問御史大夫曰。司

直縱反者。丞相斬之法也。大夫何目擅止之。勝之皇恐自殺。及北軍使者任安坐受太子節。懷二心。司

直田仁縱太子。皆要斬。

〔補注〕先謙曰。褚補史記。安答辱北軍錢官小吏。小吏上書言之。以爲受太子節。言幸與我其鮮好者。書上聞。武帝曰。是老吏也。見兵事起。欲坐觀成敗。見勝者欲合從之。有兩心。下安吏誅死。

上

曰。侍郎莽通獲反將如侯。長安男子景建從通獲少傅石德。可謂元功矣。大鴻臚商丘成力戰獲反將

張光。其封通爲重合侯。建爲德侯。成爲秬侯。

孟康曰。秬音妬。在濟陰成武。今有亭。

諸太子賓客嘗出入宮門。皆坐誅。其隨太

子發兵。呂反。法族。吏士劫略者。皆徙燔煌郡。

師古曰。非其本心。然被太子劫略。故徙之也。〔補注〕先謙曰。官本燔作敦。

呂太子在外。始置屯兵。長安

諸城門。後二十餘日。太子得於湖。語在太子傳。

師古曰。湖縣名。

其明年。貳師將軍李廣利將兵出擊匈奴。丞相

爲祖道。送至渭橋。

師古曰。祖者。送行之祭。因設宴飲焉。

與廣利辭決。廣利曰。願君侯早請昌邑王爲太子。

如淳曰。漢儀注。列侯爲丞相。稱君侯。師古曰。楊

惲傳。丘常謂惲爲君侯。是則通呼列侯之尊稱耳。非必在於丞相也。如氏之說。不爲通矣。〔補注〕周壽昌曰。顏駁如說。雖是而不盡然也。楊敞傳。爲丞相。封安平侯。敞夫人謂敞曰。使九卿來報君侯。亦列侯爲丞相稱君侯之證。丘常借尊稱以詔惲。非典故也。如據漢舊儀爲說。自是正論。後漢以來。凡尊官俱稱君侯。六朝更濫矣。

如立爲帝。君侯長何憂乎。師古曰。屈釐許諾。昌邑王者。貳師將軍女弟李夫人。如若也。

子也。貳師女爲屈釐子妻。故共欲立焉。是時治巫蠱獄急。內者令郭穰告丞相夫人。曰丞相數有譴。使

巫祠社祝詛主上。有惡言。及與貳師共禱祠。欲令昌邑王爲帝。有司奏請案驗。罪至大逆不道。有詔載

屈釐廚車召徇。

師古曰。廚車。載食之車也。徇。行示也。

要斬東市。妻子梟首華陽街。

〔補注〕先謙曰。胡注。長安城中八街。華陽其一也。

貳師將軍妻子亦收。

貳師聞之。降匈奴。宗族遂滅。

車千秋。本姓田氏。

〔補注〕周壽昌曰。項安世云。田千秋好乘小車。子孫遂爲車氏。案其子田順嗣侯。尙爲田氏。則更爲車氏之說未確。

其先齊諸田徙長陵。

師古曰。劉敬所言徙關東大族者。〔補注〕

先謙曰。官本注末有也字。

千秋爲高寢郎。

師古曰。高廟衛之郎。

會衛太子爲江充所譖。敗久之。千秋上急變。訟太子冤。

師古曰。所告非常故。

云急變也。

曰。子弄父兵。罪當笞。天子之子。過誤殺人。當何罪哉。臣嘗夢見一白頭翁教臣言。是時上頗知太

子惶恐無他意。乃大感寤。召見千秋至前。千秋長八尺餘。體貌甚麗。

〔補注〕周壽昌曰。麗字不訓美好。公孫宏傳亦有此語。言其容貌俊偉而光明也。

武帝見而說之。

師古曰。說讀曰悅。

謂曰。父子之間。人所難言也。公獨明其不然。此高廟神靈使公教我。

〔補注〕何焯曰。千秋。

高復郎。又自言白頭翁。教之言。故曰此高廟神靈使公。

公當遂爲吾輔佐。立拜千秋爲大鴻臚。

師古曰。當其立見而卽拜之。言不移時也。〔補注〕朱一新曰。立拜。特言其速。顏因上有召見字。曲爲傳合。

耳。賈捐之傳。立拜爲冀州刺史。立止。皆與此義同。豈亦立見乎。

數月。遂代劉屈氂爲丞相。封富民侯。千秋無他材能術學。又無伐閱功勞。

師古曰。伐。

積功也。閱。經歷也。〔補注〕周壽昌曰。伐閱卽閱。猶門第也。門在左曰閱。門在右曰閱。史記功臣年表。人臣功有五品。明其等曰閱。積日曰閱。後漢章帝紀。或起叨畝。不繫閱閱。與此同意。

特召一言寤意。旬月取宰相。

封侯。世未嘗有也。後漢使者至匈奴。單于問曰。聞漢新拜丞相。何用得之。

師古曰。言此人何目得爲相也。

使者曰。自上書。

言事故。單于曰。苟如是。漢置丞相。非用賢也。妄一男子上書。卽得之矣。

〔補注〕蘇輿曰。妄一男子。當作一妄男子。晏子諫下。則嬰有壹妄能書。足以治。

之矣。語意正同。

使者還道。單于語武帝曰。爲辱命。欲下之吏。良久。迺貫之。

師古曰。貫。寬縱也。謂釋放之也。其下亦同。

然千秋爲人。敦厚有。

智。居位自稱。踰於前後數公。

師古曰。言其稱職也。

初。千秋始視事。見上連年治太子獄。誅罰尤多。羣下恐懼。思欲。

寬廣上意尉安衆庶。

師古曰尉安之字本無心也是曰漢書往往存古體字焉〔補注〕宋祁曰當刪字字錢大昭曰胡建傳所以尉羸走卒甚得其心注云尉者自上安之也韓安國傳云猶頗可得尉士大夫心師古曰故尉安之

字正如此其後流俗乃加心耳案王嘉傳遣使者賜金尉厚師丹傳有以尉復師傳之臣襲遂傳還用良吏尉安牧養焉宣元六王傳益封孝王萬戶以尉其意王莽傳宜令州郡且尉安之皆不從心

壽頌德美勸上施恩惠緩刑罰玩聽音樂養志和神爲天下自虞樂師古曰虞與娛同上報曰朕之不德自左

丞相與貳師陰謀逆亂巫蠱之禍流及士大夫師古曰謂與太子戰死者也〔補注〕劉放曰既云自左丞相流及士大夫則不及太子時人也朕日一食者累月

迺何樂之聽痛士大夫常在心既事不咎師古曰言既往之事不可追咎雖然巫蠱始發詔丞相御史督二千石求捕

師古曰督察視也廷尉治未聞九卿廷尉有所鞠也師古曰鞠問也〔補注〕曩者江充先治甘泉宮人轉至未央椒房

師古曰椒房殿名皇后所居也呂及敬聲之疇李禹之屬謀入匈奴有司無所發〔補注〕先謙曰敬聲公孫賀子禹李廣孫事見廣傳疇僞通借字發謂發

其今丞相親掘蘭臺蠱驗所明知也〔補注〕先謙曰百官表御史中丞在殿門至今餘巫頗脫不止師古曰言往往尙爲蠱也〔補

注〕先謙曰餘巫頗脫陰賊侵身遠近爲蠱朕媿之甚何壽之有〔補注〕先謙曰官本甚作其敬不舉君之觴〔補注〕周壽昌曰臣下上壽允之則

曰敬舉君之觴如兒寬是也不允則曰敬不舉君之觴如田千秋是也後書明帝紀謹謝丞相二千石各就館師古曰謝告也館宮舍也

十七年百官公卿奉觴上壽制答之末云不敢有辭其敬舉觴蓋中興後制尚如此〔補注〕先謙曰書曰毋偏毋黨王道蕩蕩師古曰周書洪範之辭也毋有復言師古曰不許其更請後歲餘武帝疾立皇子鉤弋夫人

男爲太子師古曰鉤弋宮名也昭帝母趙婕妤居之故號鉤弋夫人也拜大將軍霍光車騎將軍金日磾御史大夫桑弘羊及丞相千秋

並受遺詔輔道少主師古曰道讀曰導武帝崩昭帝初卽位未任聽政師古曰年幼故未堪聽政〔補注〕宋祁曰正文未任王本作未堪政事壹決大

將軍光千秋居丞相位謹厚有重德每公卿朝會光謂千秋曰始與君侯俱受先帝遺詔今光治內君

侯治外宜有以教督使光毋負天下師古曰督視也〔補注〕先謙曰督責也千秋曰唯將軍留意卽天下幸甚終不肯有所

言光以此重之每有吉祥嘉應數褒賞丞相訖昭帝世國家少事百姓稍益充實〔補注〕先謙曰益漸進也始元六年

詔郡國舉賢良文學士問以民所疾苦於是鹽鐵之議起焉師古曰議罷鹽鐵之官令百姓皆得煮鹽鑄鐵因總論政治得失也〔補注〕先謙曰此議因千秋不言宏

羊力持鹽鐵卒不能罷但罷榷酤而已班於贊中痛責千秋而附宏羊誅滅事於此傳末所以深致其不然也千秋爲相十二年薨諡曰定侯初千秋年老上優之朝見

得乘小車入宮殿中。故因號曰車丞相。子順嗣侯。官至雲中太守。宣帝時。目虎牙將軍擊匈奴。坐盜增

鹵獲自殺。

〔補注〕錢大昭曰。表作虜獲。鹵。勝通用字。

〔補注〕周壽昌曰。千秋尙有弟爲函谷關都尉。一子爲維陽武庫令。見魏相傳。

桑弘羊爲御史大夫。八年。自呂爲國家

興榷筦之利。

師古曰。榷。謂專其利。使入官也。筦。即管字也。義與幹同。皆謂主也。權解在昭紀。〔補注〕宋祈曰。權從木。俗從才者。非。

伐其功。

師古曰。自矜其功也。

欲爲子弟得官。怨望霍光與

上官桀等謀反。遂誅滅。

王訢。濟南人也。

師古曰。訢字與欣同。

呂郡縣吏積功。稍遷爲被陽令。

孟康曰。故千乘縣也。被音罷。師古曰。音皮彼反。

武帝末。軍旅數發。郡國盜

賊羣起。繡衣御史暴勝之使持斧逐捕盜賊。呂軍興從事。誅二千石。目下。勝之過被陽。欲斬訢。訢已解

衣伏質。

師古曰。質。鎡也。欲斬人皆伏於鎡上也。鎡音竹林反。

仰言曰。使君顯殺生之柄。威震郡國。

師古曰。爲使者。故謂之使君。使音所吏反。顯與專同。

今復斬一訢。不

足目增威。不如時有所寬。呂明恩貸。

師古曰。貸。猶假也。言饒假之貸。音土戴反。〔補注〕先謙曰。官本注在死力下。

令盡死力。勝之壯其言。貫不誅。因

與訢相結厚。勝之使還薦訢。徵爲右輔都尉。守右扶風。上數出幸安定北地。過扶風。宮館馳道脩治。供

張辨

師古曰供音居用反張音竹亮反〔補注〕錢大昭曰辨古辦字攷工記云或審曲面勢以辨民器鄭注辨猶具也釋文辨皮莧反特性饋食禮云宗人告有司具鄭注具猶辨也易剝牀以辨徐音辦具之辨說文辦字在新附中先謙曰官本辨作辦

武帝嘉之駐車拜訴爲眞視事十餘年昭帝時爲御史大夫代車千秋爲丞相封宜春侯明年薨諡曰

敬侯子譚嗣呂列侯與謀廢昌邑王立宣帝

師古曰與讀曰豫

益封三百戶薨子咸嗣王莽妻卽咸女莽篡位

宜春氏呂外戚寵

張晏曰莽諱取同姓故氏侯邑也師古曰此說非也若云王氏則與莽族相涉故呂侯號稱之耳莽本呂興譚得姓不同祖系各別故爲婚娶既非私竊不須避諱諱亦不可掩也〔補注〕宋祁曰掩一作卞

自訴

傳國至玄孫莽敗迺絕

楊敞華陰人也給事大將軍莫府爲軍司馬

〔補注〕先謙曰又爲長史見昭紀及燕王旦傳

霍光愛厚之稍遷至大司農元鳳中稻

田使者燕倉

〔補注〕先謙曰官本倉皆作蒼

知上官桀等反謀呂告敞敞素謹畏事不敢言迺移病臥

師古曰移病請曰書言病一日呂病而移居也

〔補注〕先謙曰官本請目作謂移

呂告諫大夫杜延年延年月聞蒼延年皆封敞呂九卿不輒言故不得侯

師古曰聞之後不即告言也

遷御史大夫代王訢爲丞相封安平侯明年昭帝崩昌邑王徵卽位淫亂大將軍光與車騎將軍張安

世謀欲廢王更立議既定使大司農田延年報敵敵驚懼不知所言汗出洽背徒唯唯而已師古曰唯唯恭應之辭也

音弋延年師古曰古者延賓起至更衣必有更衣之處也敵夫人遽從東箱師古曰遽速也補注何焯曰敵夫人是後妻非司馬遷女觀下惲傳中後母無子之文可證謂敵曰此國

大事今大將軍議已定使九卿來報君侯君侯不疾應與大將軍同心猶與無決先事誅矣師古曰與讀曰豫

延年從更衣還敵夫人與延年參語許諾師古曰三人共言故云參語請奉大將軍教令遂共廢昌邑王立宣帝宣帝

卽位月餘敵薨補注周壽昌曰帝六月卽位敵以八月薨諡曰敬侯子忠嗣呂敵居位定策安宗廟益封三千五百戶忠弟惲

字子幼師古曰惲音於粉反補注朱一新曰監本惲下重一惲字提行先謙曰官本重惲字提行呂忠任爲郎補常侍騎師古曰爲騎郎而常侍故謂之常侍騎也惲母司馬遷女也

惲始讀外祖太史公記頗爲春秋呂材能稱好交英俊諸儒名顯朝廷擢爲左曹霍氏謀反惲先聞知

因侍中金安上呂聞召見言狀霍氏伏誅惲等五人皆封補注錢大昭曰五人閩本作有功案功臣表是時同日封者張章董忠金安上及惲有四人其一人史高在外戚

侯表惲爲平通侯遷中郎將郎官故事令郎出錢市財用給文書迺得出名曰山郎張晏曰山財用之所出故取名焉補注錢大昭曰

此郎非尙書郎是宿衛郎

移病盡一日輒償一沐

晉灼曰五日一洗沐也師古曰言出財用者雖非休沐常得在外也貧者實病皆曰沐假償之也

或至歲餘不得沐其豪富郎

日出游戲或行錢得善部

師古曰郎官之職各有主部故行錢財而擇其善曰招權也

貨賂流行傳相放效

師古曰放音斧往反

憚爲中郎將罷山郎

移長度大司農呂給財用

應劭曰長久也一歲之調度也蘇林曰簿書給繇之長也師古曰應說是也言總計一歲所須財用及文書之調度而移大司農呂官錢供給之更不取於郎也補注宋祈曰簿書給繇之長也別本

給作餘無繇字

其疾病休謁洗沐皆曰法令從事郎謁者有罪過輒奏免薦舉其高弟有行能者至郡守九卿

郎官化之莫不自厲絕請謁貨賂之端令行禁止宮殿之內翕然同聲由是擢爲諸吏光祿勳

補注錢大昭

曰加諸吏者始見於此然孝文時賈山上至言已云又選其賢者使爲常侍諸吏則官制久矣

親近用事初憚受父財五百萬及身封侯皆曰分宗族後母無子

財亦數百萬死皆予憚憚盡復分後母昆弟再受訾千餘萬皆曰分施其輕財好義如此憚居殿中廉

絜無私郎官稱公平然憚伐其行治

師古曰自矜其節行及政治之能也

又性刻害好發人陰伏同位有忤己者必欲害之

目其能高人由是多怨於朝廷與太僕戴長樂相失卒曰是敗

師古曰卒終也

長樂者宣帝在民間時與相知

及卽位。拔擢親近。長樂嘗使行事。隸宗廟。服虔曰：兼行天子事。先禁習威儀也。師古曰：隸，音戈二反。〔補注〕錢大昭曰：隸，闕本作肆。下副帝隸及注同。先謙曰：官本同，隸肆古通。還謂掾

史曰：我親面見受詔。副帝隸。稭侯御。師古曰：我副帝隸。而稭侯適爲御耳。御，謂御車也。稭，音丁故反。〔補注〕先謙曰：稭侯金賞也。人有上書告長樂，非所宜言。

事下廷尉。長樂疑惲教人告之，亦上書告惲罪。高昌侯車犇入北掖門。師古曰：犇，古奔字也。〔補注〕先謙曰：高昌侯董忠。惲語富平

侯張延壽曰：聞前曾有犇車抵殿門。師古曰：抵，觸也。音丁禮反。〔補注〕先謙曰：官本無曾字。門闕折，馬死，而昭帝崩。今復如此，天時

非人力也。左馮翊韓延壽有罪，下獄。惲上書訟延壽，郎中丘常謂惲曰：聞君侯訟韓馮翊，當得活乎？惲

曰：事何容易。脛脛者未必全也。師古曰：脛脛，直貌也。〔補注〕周壽昌曰：脛脛，即脛脛通借字。我不能自保。師古曰：言我尙不能自保，訟人何自得活。眞人所謂鼠不

容穴銜窠數者也。李奇曰：眞人，正人也。如馮曰：所目不容穴，坐銜窠數自妨，故不得入穴。師古曰：窠數，戴器也。窠，音其羽反。數，音山羽反。解在東方朔傳。惲自云：今之訟人，亦於已有妨。〔補注〕宋祈曰：正文數者也。多也。何焯曰：眞人

猶云：誠若人言也。李注非。先謙曰：官本注不得入穴下，有也字。窠數非戴器，詳東方朔傳。又中書謁者令宣持單于使者語，視諸將軍中朝二千石。師古曰：謂譯者所錄也。視

讀曰示。〔補注〕先謙曰：中書謁者令，成帝改爲中謁者令，見百官表。惲曰：冒頓單于得漢美食好物，謂之殍惡。單于不來明甚。師古曰：時使者曰：單于欲來朝，故惲云不來。